



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“» broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU NEZAVISNE DEMOKRATSKE STRANKE

Broj: 03-07-6-269/15
Sarajevo, 25. mart 2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Nezavisne demokratske stranke za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da je Nezavisna demokratska stranka prekršila odredbe člana 12. stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Nezavisne demokratske stranke za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2014. godinu, Nezavisna demokratska stranka nije ostvarila prihode niti se finansirala iz kredita, što se vidi iz naredne tabele:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	0,00	0,00%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	0,00	0,00%
II	Kreditno zaduženje kod banaka	0,00	0,00%
	Izvori finansiranja (I+II)	0,00	0,00%

U godišnjem finansijskom izvještaju za 2014. godinu Nezavisna demokratska stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Nezavisna demokratska stranka. Skraćeni naziv: NDS.

Nezavisna demokratska stranka upisana je u registar političkih organizacija kod Osnovnog suda u Bijeljini, Rješenjem broj: 080-0-Reg-06-000 284 od 18.05.2006. godine.

Sjedište političke stranke je u Bijeljini, Ulica Nikole Tesle broj 10.¹

Lice ovlašteno za predstavljanje i zastupanje Nezavisne demokratske stranke je Stako Stakić, predsjednik stranke.

Lice ovlašteno za finansijske izvještaje za 2014. godinu je Miodrag Damjanović.

Prema podacima iz godišnjeg finansijskog izvještaja za 2014. godinu, Nezavisna demokratska stranka nema niže nivoe organizovanja.

¹ U finansijskom izvještaju Nezavisna demokratska stranka je prijavila adresu za prijem pošte u ulici Svetog Save br. 2, Brčko.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nezavisne demokratske stranke za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Nezavisne demokratske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i revizija finansijskih izvještaja Nezavisne demokratske stranke vršeni su u periodu od 2006. do 2013. godine, nakon kojih su izdati izvještaji o pregledu, odnosno izvještaj o reviziji sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2013. godinu izdat je izvještaj o pregledu sa mišljenjem revizora, nalazima i preporukama stranci: da poslovne knjige vodi u skladu sa računovodstvenim propisima, odnosno da uspostavi tačne evidencije o svojim prihodima i da finansijske izvještaje, koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu propusta u godišnjem finansijskom izvještaju za 2014. godinu, utvrđeno je da Nezavisna demokratska stranka nije ispoštovala preporuku revizije da finansijske izvještaje, koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Nezavisna demokratska stranka je prekršila odredbe člana 12. stav (3) Zakona o finansiranju političkih stranaka.

Politička stranka godišnji finansijski izvještaj nije podnijela u skladu sa Pravilnikom o godišnjim finansijskim izvještajima političkih stranaka, odnosno formi koju je odobrila Centralna izborna komisija BiH².

U finansijskom izvještaju stranka nije iskazala obaveze u iznosu od 2.826,65 KM za neplaćene kazne po pravosnažnim odlukama Centralne izborne komisije BiH i to: Odluci broj: 01-07-6-37/10 od 12.10.2011. godine u iznosu od 826,65 KM, Odluci broj: 03-07-6-987/12 od 05.06.2013. godine u iznosu od 1.000,00 KM i Odluci broj: 03-07-6-651/13 od 19.12.2013. godine u iznosu od 1.000,00

² U skladu sa odredbama člana 12. stav (3) Zakona o finansiranju političkih stranaka, politička stranka je dužna podnijeti finansijski izvještaj u formi koju odobri Centralna izborna komisija BiH. Forma finansijskog izvještaja propisana je Pravilnikom o godišnjim finansijskim izvještajima političkih stranaka.

KM, čime je prekršila odredbe člana 12. stav (3) Zakona o finansiranju političkih stranaka i odredbe člana 24. Pravilnika o godišnjim finansijskim izvještajima političkih stranaka³.

5.2. PREPORUKE

Preporučuje se Nezavisnoj demokratskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

Komentar

Nezavisna demokratska stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić

³ U skladu sa odredbama Pravilnika o godišnjim finansijskim izvještajima političkih stranaka, politička stranka je obavezna u finansijskom izvještaju iskazati sve neizmirene obaveze, bez obzira po kom osnovu su nastale.